



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Thomæ A Kempis Canonici Regularis Ord. S. Augustini De Imitatione Christi Libri Quatuor

Thomas <von Kempen>

Coloniæ, 1723

XVII. Quòd omnis sollicitudo in Deo statuenda sit.

[urn:nbn:de:hbz:466:1-45773](https://nbn-resolving.org/urn:nbn:de:hbz:466:1-45773)

Et si tua defuerit consolatio, fit mihi tua voluntas & iusta probatio pro summo solatio.

Non enim in perpetuum irascēris, neque in aeternum comminaberis.

### CAPUT XVII.

*Quòd omnis sollicitudo in Deo statuenda sit.*

1. **F**ili, sine me tecum agere, quod volo: ego scio, quid expedit tibi.

Tu cogitas sicut homo: tu sentis in multis, sicut humanus suadet affectus.

Domine, verum est quod dicis. Major est sollicitudo tua pro me, quam omnis cura quam ego gerere possum pro me.

Nimis enim casualiter stat, qui non projicit omnem sollicitudinem suam in te.

Domine, dummodo voluntas mea recta & firma ad te permaneat, fac de me quidquid tibi pacuerit.

Non

Non enim potest esse nisi bonum,  
quidquid de me feceris.

2. Si me vis esse in tenebris, sis benedictus: & si me vis esse in luce, sis iterum benedictus. Si me dignaris consolari, sis benedictus: & si me vis tribulari, sis æquè semper benedictus.

3. Fili, sic oportet te stare, si mecum desideras ambulare.

Ita promptus esse debes ad patientium, sicut ad gaudendum.

Ita libenter debes esse inops & pauper, sicut plenus & dives.

4. Domine, libenter patiar pro te, quidquid volueris venire super me.

Indifferenter volo de manu tua bonum & malum, dulce & amarum, lætum & triste suscipere, & pro omnibus mihi contingentibus gratias agere.

Custodi me ab omni peccato, & non timebo mortem nec infernum.

Dummodo in æternum me non projicias, nec deleas de libro vitæ;

non mihi nocebit, quidquid venerit tribulationis super me.

C A P U T X V I I I .

*Quòd temporales miseriae, exemplo Christi equanimiter sunt ferenda.*

1. **F**ili, ego descendi de cælo pro tua salute: suscepi tuas miseriae, non necessitate, sed charitate trahente, ut patientiam disceres, & temporales miseriae non indignanter ferres.

Nam ab hora ortûs mei usque ad exitum in cruce, non defuit mihi tolerantia doloris.

Defectum rerum temporalium magnum habui: multas querimonias de me frequenter audiui: confusiones & opprobria benignè sustinui: pro beneficiis ingritudinem recepi, pro miraculis blasphemias, pro doctrina reprehensiones.

2. Domine, quia tu patiens fuisti in vita tua, in hoc maximè implendo præceptum Patris tui; dignum est  
est